

Un Comité Nobo Ta Tuma Cargo di Actividadnan Na Lago Sport Park

Representantenan di Empleados a tuma cargo di actividadnan na Lago Sport Park na cuminzamento di e luna aki, ora cu e responsabilidad a worde poní den man di Comité Consultativo di Empleadonan. Na e mes tempo e Comité Especial di Sport Park cu tawata encargá cu e operacion fo'i dia di inauguracion, 9 di Maart, a worde disolví.

E último grupo aki tawata consisti di Jim Bluejacket, Cerilio Maduro, Harold Brereton, Mario Croes, Ronald Engle i Neil Spigt, hunto cu Robert Vint i Joe Getts, i cu gran éxito a desampeña su job difícil di desarroya e actividadnan di e Parki lo mas posible.

Comité Consultativo di Empleadonan ora e a tuma e responsabilidadnan, a

Continúa den Página 3

COMITÉ NOBO

Di Paginá 1

nombra tres miembro fo'i su mes grupo i dos otro empleados amantes di Sport, pa dirigi tur actividadnan. E tres miembronan fo'i Comité Consultativo ta Gordon Ollivierre na Utilities Department (presidente), Luciano Wever na Labor Department, i Paul Bowers na Dining Hall. E otro dos miembronan ta Angel Chirino na Dry Dock, miembro di e team Champion R. C. A. i un di e miho hungado di voetbal di Aruba, i Tommy Croes

na Personnel, kende a tuma un parti activo i a duna gran ayuda na e organizacion di e reciente liga di voetbal interdepartamental.

E grupo nobo aki, cu e asistencia continuo di Consejero Atlético Robert Vint i Representante di Directiva Joe Getts, lo organiza tur competitie atlético di e departamentonan na Sport Park; lo supervisa tur wega, haciendo arreglos pa refereenan i adoptando e regulacionnan necesario; lo encarga cu anuncio di e

weganan; lo recomienda accion disciplinario, cual mester worde aprobá door di e Consejero Atlético; i lo coopera na tur otro actividadnan di recreo pa empleadonan.

Haciendo e nuevo arreglo aki, Compania a indica su plena confianza den e abilidad di e Comité Consultativo pa trata cu asuntonan di Sport Park na e miho beneficio di empleadonan i a expresa su placer di por parti cu empleadonan e responsabilidadnan pa promove interesnan atlético i recreativo.